

## **Kud god da se okrenem**

Kud god da se okrenem,  
Tvoj me znak opomene:  
Valja Bog'me broditi,  
valja Bog'me broditi,  
gole ruke sklopiti,  
iz praha se roditi...!

Vela havle šta mi je,  
ništa nije k'o prije...  
Gorkne voda, tamni dan,  
gorkne voda, tamni dan,  
pod nebesim' ja sam sam,  
gdje li je moj vječni stan?!

Svugdje jedan glas čujem -  
ko kad kiša dobuje...  
I on mene s'vjetuje  
i on mene s'vjetuje,  
da su pošle jengije,  
da poredim avlije.

Vela havle šta mi je? -  
k'o dunja kad sazrije...  
Samo što ne opa'ne,  
samo što ne opa'ne,  
sa čardaka, sa grane,  
u vrtove prostrane...